

Augsburg, 14. Dezember 1572

An Hugo Blotius

ÖNB Cod. 9737^z, Kassette I (Nr. 14), fol. 181r.

S. Debitor sum, Clariss[ime] vir, d[omine] et a[mice] colende, binis tuis literis: quarum alteras Iunio, alteras superiore mense accepi: ὑπερήμερος γενέσθαι ὁμολογῶν: quod crimen subeo frequenter: vel cum nemo est, qui literas à me petat: vel cum res non admodum responsonem desiderat. In quo uti possum excusatione aetatis, valetudinis, occupationum: quam te quoque velim accipere potius, quam aliquid sinistri de me suspicari. Nam priores tuae habebant noua quaedam non magni momenti: posterioribus acceptis, Suendianum negocium iam confectum erat à D. Hainzelio: cuius erga te paeclarae voluntati studia quoque mea accesserunt: cum Suendio τὴν μονοδιδασκαλίων dissuaderemus. Itaque nunc gratulandi potius est tempus, quam de confecto negocio laborandi: orandusqüe deus, ne quo ista commoditas aduerso casu interpellatur. Adolescens hic, Ioannes Scheurlinus, Augustanus, ingenio et doctrina excellens, et domestica mea consuetudine triennium usus, persequendi medici studij ergò se Patauium confert, non optimè nummatus. Cui si, pro prudentia et humanitate tua, rationem quam minimo victitandi, demonstraueris: eiusqüe commodis absque incommodo tuo, consulueris: pergratum mihi feceris, et ipsum gratum et memorem experieris. Vale. Augustae 14 Decembris Anno 1572.

Hiero[nymus] Wolfius
Tuus.